

وقد أمرنا سبحانه وتعالى بالاستعداد بقوله « وأعدوا لهم ما استطعتم من قوة ومن رباط الخيل ترهبون به عدوا لله وعدوكم » ومع ذلك فالاعتماد كله على الله حيث قال « وما رميت اذ رميت ولكن الله رمى . فلم تقتلوهم ولكن الله قتلهم » .
 أما ينبغي التنبيه للرباط على ما كان عليه السلف الصالح من صرابتهم على المحل .
 المدة المديدة والسنين العديدة ومع الصبر وطول المدة ينال المؤمن ما أملاه خصوصاً مع قطع الطرق وعدم المعاملة قال تعالى « يا أيها الذين آمنوا اصبروا وصابروا ورابطوا واتقوا الله لعلكم تفلحون » جعلنا الله وإياكم على المحبة البيضاء والنهج القويم ولا زلت للاسلام ساعداً وعضداً وللدين قوة ومدداً وللإخني عضباً مهنداً ومنا أُم السلام يهدي للحضرة الشاهانية أدام الله أيديها والبسها من حلل العزة حديدتها ولا زال الدعاء منا مبذولاً لكم ولها في الخلوات والجلوات وأوقات الاجابات انها كرم مسئول وخير مأمول وأزكى السلام المزوج بالتحية والا كرام نهدي للحضرة والأئمة بالتمام في البدء والختام تاريخ ليلة الجمعة ٨ ليلى سنة ١٣٣٠ هـ

الحتم

المقتبس النور القدسي

أحمد بن السيد الشريف السنوسي

§ العلم غزته سي اشو جوابنامه في درج ايلدكن صوكره بونكله برلكده دارالخرنده كي مخابرندن آلديني برمكتوبه عطقاً شيخ احمد السنوسي افندي حضرتلري دارالخرنه كليركن جغبوب موقعه مواصلت ايلديكي وقت انور بك افندي طرفندن احتفالات لايقه ايله استقبال وحقنده وجبته احترامك ايفاسي ضمننده موقع مذ كوره ضابطانندن صركب برهيتك كوندرلديكي وبوهيتك مياننده درنه قائمقاي ايله بنغازي ارکان حربيه سنه مأمور نوري ودوقتور عبدالغني زهد بلكرك دخي بولنديغني يازيبور .

انكليمز لهول احمد هيتني . - تونسنن تايمه اشعار اولنديغنه كوره ، انكليز هلال احمر هيتتك ايكنجي قافلته سي ايكي دوقتورله آتني ارلك خسته باقيجي وآلمش خسته بي استقبال ايده جك بووك برچادر وسائر لوازمات ايله برابر تونه ورود يتمشدر . بولره بيكباشي ويكسون جونسون رياست ايديبور . لازم كان ادويه ولوازمات طبيه نك انكلتره دن ورودينه قدر هيتك تونسنده اقامت ايتسي تقرر ايتمشدر . هيت ريشي برلي عربلردن اولق اوزره بر دوقتورله برقاچ خدمه بي بورادن تدارك ايتك ايتيبور ايسه ده باره فقدانندن ناشي بوتشبي قوه دن فوله چيقارده مامشدر .

دولت عليه - روسيه :

عثماني - ابراهم درنده روسينك تحميداتي . - روسيه حكومتي عثمانلي حدودينه كوندرديكي قازاق عسكريندن بشقه ، عثمانلي ايران حدودلرينه يكي سوقياتده بولمغه قرار ويرمشدر . عساكر مذ كوره بياده وسواري يكرمي بيكدن اوتوزيكيه قدر اولوب ، بولرك قسم اعظمي حدود قره غولاريني تقويه ايده جك وديكر قسمي ده قراركاهلرده ، ايران وعثماني حدودلري جوارنده احتياط اوله رق بولنديريله جقلمش . يته عيني مخابرك افاده سنه كوره عثمانلي سفيري طرخان باشايه بو بايده ويريله جك جوابده . تحشيدات عسكريه نك عثمانلي ايران حدودنده تشوشات وقوعندن ايران حكومت حاضره سني اسقاط ايجون ايرانده بر حركت اختلايه احتمالندن نشأت ايتديكي بيان ايديله جكمش .

كريد :

كريد هيتت اجرائيه سي . - جنرال ليمبرينس ايله سيفاكيانا كيس هيتت اجرائيه اعضائغني قبول ايتمه مشلردر . اعضادن ديكر اوچنك ده استعفا ايتلري قويا ملحوظدره دول حامييه قونسلوسلري طرفندن مأموريتلردن بغير حق چيقاريلان اسلام مأمورلرينك تكرار وظيفه لري باشنه آلديرملري حقنده كريد حكومت اجرائيه سنه بر مذكره كوندرلشدر .

تجارتی روسيه نك جاهه سي وتدابير عسكريه سي ايله ضرردن محفوظدر . اسلاملك موقفي حكومت جمهوريه نك حقيه تأسس ايده مسندن پریشان برحاله در . وقتيله كاشغر وحواليسنده حكومت عثمانيه جانب عاليسندن شهيندرلكار تأسيس اولونمش اولسه ايدي بوله بر زمانده بيوك ايشلره يرار و حكومت عثمانيه ايجون دخي بيوك فائده لر تأمين ايتكندن خالي قالمز ايدي . نه ايسه يته اسلاملك اميدي محترم عثمانيلرده در . حكومت عثمانيه نك بورا اسلاملرينك كندينه قارشى بسلكده اولدقلى حسيات صافيه لريني نظر دفته آلمسي وشهيندرلك مسئله سنه عطف نظر ايلسي دركاردر . طرابلس غرب اعانه حربيه سي دوام ايتكده در . تراكم ايتديجه بي دربي كوندريله جكدر . جناب حق اسلاميت و خلافتي دائم ودشمن ايتاليابي قهر ايتسون .

كاشغر

ع

شؤون

آفريقا جهادي :

سنوسي حضرتلرينك مكتوبتي . - طرف اشرف حضرت خلافتناهيدين شيخ احمد السنوسي افندي حضرتلرينه اهدا بووريلان قليجك كوندرلديكته دائر بنغازي متصرفي وقواي عموميه قومانداني انور بك افندي طرفندن كوندريلان تحريراته شيخ مشاراليه حضرتلري جانبندن ارسال اولونان تحريراتك « العلم » غزته سنده عيناً نشر اولونان صورتقي در :

بسم الله الرحمن الرحيم

ورلى الله على سيدنا محمد وآله وصحبه أجمعين

من كاتبه عبد ربه وغلام أستاذه السيد المهدي أحمد الشريف السنوسي الخطابي الحسيني

حمدا لمن وعدنا بالحنيفية السمحاء بالعر والتأييد في الدنيا والمقام في الجنة الفيحاء وصلوة وسلاما على من بشره في سورة الصف وعلى آله وأصحابه الخائزين من الجمال والكمال كل وصف الذين قال عز وعلا فيهم وفيمن عمل عملهم (ان الله يحب الذين يقاتلون في سبيله صفا كأنهم بنيان مرصوص) وقال (وأخري تحبونها نصر من الله وفتح قريب وبشر المؤمنين)

حضرة شمس المفاخر الذي اضاعت به نواحيها والمنار الذي يهتدى به ساريها المتسك بالعروة الوثقى من الدين المتين المستعين على ما جملة بقوة المعين قطب دائرة رجال الدولة المرعية المؤلف بحسن سياسته بين أئمة الرعية مشيد دساكر الدولة الاسلامية ومؤيد عساكر الجحافل الايمانية الماحق بحسامه آيات الفتنة والفتاق الحامي حماء الله تلك الايالة من كل دسيسة ونفاق ذى الكتاب المنصورة والمشاهد المشهورة أسد الآساد وسيف الجهاد وقاسم ظهور الاعداء حرصا على الجنات الكاثثة تحت ظلال السيوف القومندان العالم أنور نور الله ونور به الاسلام وأحيا به شريعة سيد الانام . وبعد فقد وصل للداعي المشهد المين المتضمن للمودة الفاطمة البراهين والفتات الحضرة الشاهانية البنا ونشر احسانها علينا أيد الله الخليفة الاعظم بنصره آمين

ما زالت الرعية تستظل بظله وترتع في دوح احسانه وفضله والشريعة المحمدية في حماه روضة مفتحة الانوار محروسة من جللته بعين الرعاية من أهل الضلالة والغواية العامل بقوله تعالى « يا أيها الذين آمنوا اتقوا الله حق تقاته ولا تموتن الا وأنتم مسلمون واعتصموا بحبل الله جميعاً ولا تفرقوا » جعلنا الله وإياكم من المتقين الذابين عن سنن سيد المرسلين الراجين ما وعد به من تمام النصر والفتح بقوله « ان الله مع الصابرين » و « الما قبة للمتقين » وقوله « قاتلوهم يعذبهم الله بأيديكم ويخزهم وينصركم عليهم ويشف صدور قوم مؤمنين » ونحن على مايقين بما قاله سيد المرسلين « لاتزال طائفة من أمتي ظاهرين على الحق لا يضرهم من خلفهم حتى يأتي أمر الله » جعلنا الله وإياكم من أولاهم

ایران :

شاهسونلرله روسلر - (آغاری) دن بیلدیرلرلکه کوره عقد اتحاد ایتمش بولنان شاهسونلرله قوجه بکلو ، سردارلو ، عیسالو و آزالو قبیله لر ، حاجی خواجه لو قبیله لرله مناسبات دائمده بولمقده درلر . بوتون بو قبیله لر ، روسلرله صوک دقیقهیه قدر مجاهده ایتمکله و انکتهایت احراز موقفیت ایدمدکلری تقدیرده ترکیانک جایه سنه التجا ایلمکله قرار ویرمشلردر . مذکور قبیله لر وقوع بوله جق مجادله لرده سربسته جه حرکت ایتمک مقصدیله مال و ملک لرینی صائمقده درلر .

نائب حکومت اورور یاره . - ویانده بولنان نائب حکومت ناصرالمک ابوالقاسم خان برای تداوی اوستریا و فرانسه قابلیجه لرندن برینه کیده جکدر . موسی الیهک کاتبی موسی خان ، ایرانده سکون و آسایشک اجرای حکم ایتمکده اولدیغنی و نائب حکومتک سیاحتیه چیقمسی احوالک ایلمکله دلالت ایتمکده بولدیغنی سولمشدر . موسی خان ، شاه مخلوعک هر درلو مدعیان دن صرف نظر ایدمک اوده ساده سکون و مسالت دائره سنده اصرار حیات ایلمکده بولدیغنی ده علاوه در میان ایشدر .

تبریز مخبر انک القطاعی . - شیمدی به قدر نفاق دائمی ایچنده یکدیگر یله چارپیشان شهسون قباللندن بر چوغنی اخیراً هب برانکده روسیه علیه یورو مومک اوزره تألیف بین ایدوب روسلرله مصادماتده بولندقلرندن طولانی تبریز مخبراتی منقطع اولغه باشلامشدر .

افغانستان :

افغانستانده یکی ساعت قولرسی . - کابلده منتشر (سراج الاخبار) غزته سنده او قوندیغنه کوره ، افغان امیری حضرتلرینک (دلکشا سرانی) قارشوسنده یکیدن بویوک بر ساعت قولرسی انشا اولنه رقی شهرک تزیینیه ، اهالی محلیه نک اجرای طاعات و عبادات ایچون قولایجه و قتلرینی طایفه خدمت ایدمشدر . مذکور قولرک ارتفاعی یوز انکلیز قدسی اولوب ، کنیشلمکی ده اکا کوره در . ساعت ایسه انکله ده صورت مخصوصه ده تعیین اوقات خسه مفروضه ایچون بویوک بر اهتمام ایله اعمال ایدیلرک امیرک مهندسی موسیو میلر طرفندن برینه وضع اولمشدر . کابل شهرینک دیگر بر نقطه سنده ده یقینده دیگر کوچک بر ساعت قولر سنک نصی تقریر ایتمش و ایسه ده مباشرت اولمشدر .

هندستان :

هندستانده عدم مرکزیت اصولی . - تا عیس غزته سنده او قوندیغنه نظراً هند والی عمومیس مالک اولدیغنی صلاحیت تامه موجبنجه هندستان ولایاتک عدم مرکزیت اصولیه اداره اولمسی حقنده کی فکری انکله ده داخلیه و مستملکات نظارتنه اشعار ایدوب ، بوباده انکله ده پارلنتوسیه عوام قاره سنده کیفیت مذکوره بک درین بر صورتده موضوع بحث ایدلش و اصول مذکورک تطبیقنده بر محذور کوروله مسی اوزرینه هندستان باش والیسنه مقتضاسنه باقیلمق اوزره اشعار کیفیت ایدمشدر . بناء علیه هند ولایاتک طرز اداره سنده شوکونلرده کلی تبدلاتک وقوعنه انتظار ایدیلور ایسه ده ، هند امور مالیه سنک بوقاعده دن مستثنا اولوب ، کلیه نقود و وارداتک هند حکومت مرکزیه سنده طولانی قرار کیر اولمشدر .

هندستانده قولرا . - بومایدن تا عیس اشعار اولندیغنه کوره ، بومایده قولرا خسته لنی ظهور ایتمش و بیکلرجه تلفاتیه سمیت ویرمشدر . اولنلرک ایکسی اوروبایلر دن اولدیغنی تحقق ایتمش و اکا کوره حکومت طرفندن تدابیر مستعجله اتخاذ اولمغه باشلامشدر .

فاس :

قبائل و فرانسزلر . - فرانسه نک فاس سفیری موسیو (رهنیو) پارسه موصلتنده غزته لره فاس حقنده بک نیکیبنا نه بیانانده بولمشدر . معافیله موسی الیهک بیانات واقعه سنک تحقق ایتمکده اولدیغنی کوریلدور . فرانسز حرکات عسکریه سنی تعقیب ایدن غزته مخبرلری ، بریلرک هر طرفده اجتماع ایتمکده اولدیغنی و شهره قارشو هر آن بر هجوم وقوعنی انتظار ایدلمکده اولدیغنی اشعار ایتمکده درلر .

فاس سوارلری ، فرانسزلرک حرکات عسکریه سنی ترصد و هر طرفده اظهار خصومت ایتمکده درلر . فرانسز عساکری بعض شبهه لی محله لرده قرار کاه فورمشلردر . بعض قبائل رؤسای ، فرانسزلرک کنیدی اراضیلری داخلندن چکیلملری شرطیه فرانسه حکومتنه عرض مطاوعت ایدمک لرینی بیان ایتمشلردر . بو طرز انقیاد ایسه فرانسز مأمورینی طرفندن قبول ایدلامشدر .

چین :

باسه رکیل قورقور . - چین باش وکیلی ، قتل ایدیله جکندن قورقدینی ایچون پکینه عودت ایتمک قرارینی ویرمشدر . موسی الیه ، مجلس اعیانک کنیدی غلبنده واقع اولان هجوملرندن بیزار اولدیغنی سولمشدر . بوسبیله مجلس ملی ، باش وکیلی مستعفی عد ایدرک برینه خارجیه نظارینی تعیین ایشدر .

قانطونده مصادره . - قانطونده اجنبیلر محله سنده وقوع بولان بر مصادمه ده قرق آلتی چینلی قتل ایدمشدر . آلمانیا نک ، چینده کی تبعه سنک منافعی محافظه ایچون چینه عسکر سوق ایدمک چی حوادثی طوغری دکدر .

موقدره اغتشاسه . - موقدره برلوا مقدارنده اولان قطعه عسکریه میاننده اغتشاش ظهور ایشدر . بوتون کیجه عسکرلر بلا انقطاع سلاح ایشلردر . برچوق باقیه و مجوهرات مغازه لری یاغما و احراق ایدمشدر . یوزلرجه خانه تخریب ایله اختلاللیر ، اجنبیلرک مال و جانلرینی صیانت ایشلردر . قادین و چوقلر انکله ده قونسولاتوسنه التجا ایشلردر . عموم دکان و مغازه لر مسدود بولنیور . شهرک قاپولرینه چین عساکری اقامه ایدمشدر .

چین اسلاملرینک مطالبی . - بیکلرجه سنه دنبری قهر استبداد آلتنده ازلیش اولان چینلیر اختلال اخیر سایه سنده تأمین حریت و تأسیس جمهوریت ایدیلر . خطه چینده عناصر مختلفه نک اک مهملرندن بری اولان اسلاملر دخی بو انقلابدن استفاده به عزم ایشلر و عنصر اسلامک حقوقنی تأمین ایچون لازم کلن تشبثانده بولمشلردر . اورنیوغده منشر (وقت) غزته سنک بیانیه نظرراً بتون چین اسلاملری متفقاً بر مخطره ترتیب ایدوب یکینده کی حکومت مرکزیه به تقدیم ایشلردر . مخطره نک حاوی اولدیغنی ماده لر بوجه آتی بیان اولنور :

برنجی ماده - چین حکومتک پایتختنده عموم چین اسلاملرینک امور و احتیاجات دینه سنه نظارت ایتمک اوزره بر شیخ الاسلامق منصبی تأسیس ایدلیدر . شیخ الاسلامک تحت اداره سنده بر مجلس مخصوص شرعی ایله اوقاف اداره مسی و بر درس وکیلی و بر فتوی امینی بولمیدر . عموم چینده قاضی ، مفتی ، شیخ ، متولی کی مأمورین شیخ الاسلام طرفندن تعیین و عزل ایدلی در . شیخ الاسلام بتون چین اهالی اسلامیه سی طرفندن انتخاب اولمیدر . سکنه اسلامیه سی اولان هر ولایتک مرکزنده بر حاکم شرعی بولمیدر .

ایکنجی ماده - عمومی چین اسلاملرینه حریت دینه بخش ایدلی و امور دینه لرینی اداره ده اسلاملره سربستی تام اعطا ایدلیدر .

اوجنجی ماده - مأمورین شرعیه و طلبه علوم خدمت عسکریه دن معاف طوتلیدر .

تَفْهِيمٌ وَتَفْهِيمٌ

مدنیت اسلامیہ تاریخک خطاری

مابعد

لکن روایاتہ مرجع طانیلان کبار محدثین ایلہ ، بویلہ یرلردہ سوزلری سند اتخاڈ اولنان ذوات بو کبی شایعہ لری انکار ایڈیورلر . علامہ ذہبی دیورکہ : « ولیدک کفری ، زندقہ سی طوغری دکدر . آنجق سرخوشلق ، بردہ ، اوغلاخیلقلہ اشہار ایتدیکی ایچون علیہنہ خروج ایتدیلر . »

بوندن بشقہ برمسٹلہ دہا وارکہ اودہ ولیدک قاتلی برخلیفہ اموی اولسیدر . آرتق حال بویلہ ایکن بوتون اموی خلیفہ لرینہ دینی تحقیر شناعتی نصل اسناد اولنہ ییلور ؟ . قالدی کہ اغانی صاحبی طرفندن قرآنی تحقیر ایلہ اتہام ایڈیلان ولید حقندہ العقدالفرید مؤلفی بروقعہ حکایہ ایڈیورکہ او ، ولیدک قرآنی تعظیم ، ناسی حفظہ ترغیب ایڈیکنی کوستریور : نبی مخزومدن بریسی ولیدہ کیدہ رک دیگر برندہ کی آلہ جفنگک تحصیل ایتدی رلمسنی استرحام ایتمش . ولید « پک اعلا ! اکر بوکا مستحق ایسہک مسؤلنی اسعاف ایدرم . سن قرآن او قودگمی ؟ » دیمش . حریف « خایر ! » دینجہ « یانمہ صوقول ! » دیہرک زواللینک باشندہ کی صاریغنی اندہ کی صوبا ایلہ چیقاروب برتمیز دوکدن صکرہ یانندہ کیلرندن برینہ « شو کافر کی کور ، قرآن او قومدقہ باشندن آیرلہ ! » امرینی ویرمش . دیگر برآلا جقلی دہ عینی سؤالہ معروض اولوب « اوت » جوانی ویرنجہ ولید کنڈینسنہ برعشر انفال ، برعشر براءۃ سورہ لرندن او قوتمش . آدجغز عشرلری او قونجہ خلیفہ « حقکی احقاق ایدرز ؛ چونکہ سن بوکا اہلسک . » دیمش . کوریورسکزرکہ ولید قرآن او قویہ میانی کافر عد ایڈیور ؛ حالبوکہ مؤلف ولیدی کافر یایور !

لکن مؤلف طرفندن کرک حجاج ایلہ خالد القسرینک اولمق اوزرہ ذکر اولنان سوزلرہ ، کرک بوایکیسنک خلافتی نبوتہ تفضیل ایتلری کبی مسخرہ لقلرہ کلنجہ ، برکرہ بوکبی اقوالک قسم اعظمی العقدالفریددن التمشدرکہ اودہ محاضرات کتابلرندندر . ثانیاً بز نہ حجاجی نہدہ خالدی مدافعہ مجبوریتدہ دکزر . چونکہ ایکسی دہ امتک ارادلندندر . مع مافیہ عباسیلر زمانندہ آرانیرسہ بونلر کبی ملحدلر نہ قدر چوقدر ! ایشتہ عجاردہ ، ایشتہ راوندی کہ قرآن کریمی رد ایچون الدامغ اسمیلہ بردہ کتاب یازدی ! عباسیلر مؤلفہ کورہ بوکبی حریفلرک جنایتلرندن مسؤل دکل ایسہ امویلرہ اویلہ اولمق لازم کلیر .

مابعدی وار

مدیر مسؤل : اشرف اربب

مطبعہ احمد احسان و شرکاسی

دردنجی مادہ — اسلاملرہ ایستہ دکلری بردہ مکتب ، مدرسہ ، جامع ، تکہ تأسیس ایتک حق ویرلیدر .
 بشنجی مادہ — مکتب و مدرسہ و جوامع ایچون اغانہ جمع ایتک خصوصندہ مساعده اعطا ایدلیدر .
 آلتنجی مادہ — اوقاف اسلامیہ بہ حکومت طرفندن املاک خصوصہ کی معاملہ اولناملی و اوقاف ، مجوسیلرک عبادتخانہ لری کی ویرکیدن معاف طوتلیدر . اوقافک اموری و شرائط وافق پکیندہ کی اوقاف ادارہ سی طرفندن ادارہ ایدلیدر .
 بدنجی مادہ — حکومت طرفندن مجوسی روحانیلرہ بخش ایدیلن وایدیہ جک اولان ہر درلو مساعدتدن اسلاملرک دخی مستفید اولسنہ مساعده اولمایدر .
 چین حکومتی طرفندن مجوسی روحانیلرینہ معاش تخصیص ایدلیدی وقتدہ عینی مقداردہ اسلام مأمورین شرعیہ سنہ دخی معاش تعیین ایدلیدر .
 سکزنجی مادہ — البسہ و قیافت عتیقہ نک تبدیلی حقندہ حکومت طرفندن نشر ایدیلہ جک اوسرہ چینلی اسلاملر مجبور طوتیلما لیدر .
 طفوزنجی مادہ — اسلاملرک ممالک خارجیہ بہ سیاحتہ ممانعت ایداز . فریضہ جی ایفا ایچون جانب جازہ کیدن اسلاملرہ تسہیلات کوسترک اوزرہ چین ایلہ حجاز آرہ سنندہ کی بیوک بندرلردہ چین قونسولوسخانہ سی تأسیس ایدلیدر . چیندہ عثمانلی سفارتی و عثمانلی قونسولوسلری و ممالک عثمانیہ دہ چین سفارتی و قونسولوسلری تأسیس ایچون چین حکومتیلہ عثمانلی حکومتی آرہ سنندہ پر معاہدہ مخصوصہ عقد ایدلیدر . پساپورط مدتی آلتی آیدن بر سنہ بہ تمدید ایدلیدر .
 اوتنجی مادہ — چین پارلمنتوسنہ وسائر مؤسساتہ مبعوث و وکیل انتخابندہ اسلاملر ایلہ چینلیلرک حقوق مساوی اولمایدر .
 اون برنجی مادہ — ہر درلو حقوقدہ اسلاملر ایلہ چینلیلر مساوی اولمایدر .
 اون ایکنجی مادہ — مطبعہ ، کتبخانہ ، عمومی قراخانہ تأسیسندہ و کتاب وغرتہ و رسالہ موقوتہ نشرندہ اسلاملرہ حریت کاملہ بخش ایدلیدر .
 اون اوچنجی مادہ — اسلاملرہ دوائر حکومتدہ استعداد و اہلیت لریلہ متناسب مأموریت ویرلیدر .
 اون دردنجی مادہ — چین حکومتی چین مکاتبہ و برہ جکی تخصیصات درجہ سنندہ اسلام مکتب لرینہ دخی تخصیصات اعطا یلیدر .
 اون بشنجی مادہ — مکاتب رسمییہ چین اسلاملری اطفالی دخی قبول ایدلیدر . اورویا و آمریکا مکاتبہ حکومت حسابنہ اسلام طلبہ دخی کوندرلیدر .
 اون آلتنجی مادہ — خدمت عسکرییہ آنان چین اسلاملرینک ایجابات دینیہ سنہ رعایت اولتلی و عبادت و طاعتدہ بولم لرینہ مساعده ایدلیدر .
 اون بدنجی مادہ — قشلہ لردہ جامع تأسیس ایدلیدر . اسلام ضابطانک ترفیع رتبہ خصوصندہ کی حقوقی چینلی ضابطانہ معادل اولمایدر .
 اون سکزنجی مادہ — اسلام عسکرلرینہ ہر سنہ رمضان شریفدہ خانہ لرینہ عودت ایچون اذن ویرلیدر .
 اشبو مخطوطہ عموم چین اسلاملری نامنہ ویرلیدر . چیندہ کی اسلاملرک مقداری چین حکومتک رسمی ایستانتیقنہ نظراً اللہی بش میلیوندر . اسلاملر کنڈیلرینک مقداری یتمش میلیون اولدیغنی ادعا ایڈیورلر . اللہی بش میلیون اسلامدن قرق بش میلیونی چین لسانیلہ متکلم اولوب عرتاً خالص چینلیدر . بونلرہ (دونکان) تسمیہ ایدلکدہ در . اللہی بش میلیوندن اون میلیونی لسان ترکی ایلہ متکلم اولوب ترک عرفنہ منسوبدر . دونکانلرک اکثریسی چینجہ او قویوب یازمغہ مقتدر اولدیغندن چین حکومتی نزدندہ سوزلری نافذدر .
 چین حکومت جمہوریہ سی طرفندن یکی بریاندیرہ قبول اولندینی معلومدر . بو باندیرہ بیاض ، قرمز ، سیاہ ، یشیل ، صاری اولہرق بش رنگدہ در . بیاض رنگ اسلام عنصرینہ ، قرمز خالص چین عنصرینہ ، سیاہ مانچو عنصرینہ ، یشیل تبت عنصرینہ ، صاری مغول عنصرینہ نشانہ در .